

Transkription von Stadtbucheintrag DAN 1447b

Ort, Datierung: Danzig, 1447-11-24

Signatur: Stadtarchiv Danzig, 300, 43, 1c, 1r

Inhalt: Hinrik Buk: Zinsbeleg; Hans Wessel: Schuldbucheintrag; Hinrik Stakenbach: Erbteilung;
Katharina Brandenburg: Erbteilung; Mathias Wilde: Schuldbucheintrag

Jt(em) Hinrik buk heft betuget als eyn recht is dat he sinen vorscreuen tins / gemanet heft up hinr(ik) van enen erue up sinen rechten dach actu(m) ut sup(ra) /

Jt(em) Hans wessel heft bekant dat he schuldig is hinr(ik) stekemesser vor / alle mu(n)te [?] i(n) alle(n) sinen redesten gude(re)n xx geringe mark myn viij sc(hillingh) to / betalende up osterne neest vj mark up pinxsten dar neest v mark / up michaelis dar neest kome(n)de xx mark myn viinj sc(hillinghe) up iczlik t(er)myn / glik voruolge(n)den pande der betalinge nergen ledich noch los to laten dan / vorgehegeden dinge act(um) ut sup(ra) /

Jt(em) Hinr(ik) stakenbach heft schichtu(n)ge vn(de) delinge gedan sinen eliken kinde(re)n / hans hinr(ik) vn(de) barbara i(n) vormu(n)d(es)caft wasmut [...] vn(de) kasten sidel van / sinen doden eyues wegen barbara de d(er) kinder elike moder gewest / is beth up sinen schichteyt to d(er) kinder mu(n)digen iaren des se blift de / vader hinr(ik) schuldig to sampne von kinden¹ vor alle ma(n)ne i(n) alle sinen redesten gude(re)n / viij c geringe m(a)rk dar to sal he de kinde holden bet to mu(n)digen iaren / dat gelt vnuorminret der betalinge nergen ledig nach los to laten / dan vorgehegeden dinge dar mede beholt de vader by sik schult vn(de) / vnschult actu(m) i(n) vigilia katherine² /

Jt(em) Kath(a)rina brandenborges vormund Bert albrechtes sone vnd(e) jast wynnende / heft schichtu(n)ge vn(de) delinge gedan ere eliken kinderen lucas vnd(e) [lu...] / van des doden ma(n)nes wegen [...] brandenborg de der kinder elike / vader gewest is to vulre genuge beth up eren schicht syt to der kinder / mu(n)digen iaren des so blift de moder den kindern to sampne schuldig / i(n) vormu(n)d(es) bat albrechtes sone vn(de) jest nyen an vor alle ma(n)ne i(n) alle eren / rechten gudere(n) xxx geringe m(a)rk(es) dar to sal he de kindere holden beth / to mu(n)digen jaren anplege dat gelt vnuorminret d(er) betalinge nergen / ledich noch los to laten dan vorgehegeden dinge dar mede beholt / de moder by eer schult vn(de) vnschult actu(m) at supra /

Jt(em) Mathis wilde heft beka(n)t dat he schuldig is ha(n)s hinckema(n) vor / alle [...] i(n) alle sinen redesten gud(eren) xx geringe m(a)rk to betalende / up osteren neest glik voruolge(n)den pande d(er) beta(linge) nergen ledich noch los / to laten dan vor gehegeden ding actu(m) [vor...] /

¹ **von kinden** mit Einfügaszeichen eingefügt

² Datum des Eintrags ist Datum der Datei